



**Komunikadu Imprensa**  
**30 Novembru 2021**  
**Parlamentu Nasionál**

**JSMP husu atu halo avaliasaun ba efetividade implementasaun programa  
iguladade jéneru no inkluzauun sosiál tinan fiskál 2021**

Komisaun Espesializada Permanente Parlamentu Nasionál finaliza ona audénsia públiku ba Proposta Lei Nú.35/V (4<sup>a</sup>) Orsamentu Jerál Estadu (OJE) ba tinan 2022 ne'ebé apresenta husi Governu Konstitusionál VIII iha 15 Outubru 2021 liuba ho nia totál orsamentu ne'ebé propoin ba iha Parlamentu Nasionál hamutuk billiaun US\$1,675.

OJE 2022 iha programa 45 ho nia área prioridade hamutuk 6 (neen) mak hanesan dezvoltimentu kapitál sosiál, dezvoltimentu ekonómiku ne'ebé aliña ho medida sira ne'ebé inklui ona iha Planu Rekuperasaun Ekonómika, dezvoltimentu infraestrutura bázika fundamentál nian sira, dezvoltimentu ambientál no dezvoltimentu institusionál.

Orsamentu tinan 2022 ne'ebé sei finansia ba programa Igualdade jéneru no inkluzauun sosiál hamutuk USD\$129,897,837.00 no orsamentu ne'e sei fahe ba institusaun hamutuk 35 mak sei hetan inklui orsamentu ba munisípoi sira no RAEOA.

“JSMP apresia aas tebes ba iniciativa Governu hodi inklui programa igualdade jenéru no inkluzauun sosial iha planu orsamentu 2022 no ida ne'e konsidera hanesan pasu importante ida ba nasaun atu kumpri nia obrigasaun sira nu'udar nasaun membru ne'ebé ratifika ona Konvensaun Internasionál sira direitu umanu nian. Pasu ida ne'e nu'udar meu ida atu promove no asegura direitu fundamentál sira grupu vulneravel sira-nian, partikularmente feto no ema ho defisiénsia no elimina aktu diskriminasaun hasoru sira iha instituisaun públiku sira no sociedade Timor-Leste. Mezmu nune'e, iha parte seluk, JSMP rekomenda ba Governu no Parlamentu Nasionál atu avalia filafali efetividade implementsaun ba programa ida ne'e iha tinan fiskál 2021 nian molok aloka fali orsamentu ba iha tinan fiskál 2022 nian,” dehan Diretora Ezekutiva JSMP, Sra. Ana Paula Marçal.

Iha tinan fiskál 2021 nian, iha instituisaun 14<sup>1</sup> mak hetan orsamentu ba programa ida ne'e nian no importante atu halo avaliasaun antes atu aloka filafali nia orsamentu iha 2022 ba instituisaun Estadu sira, munisípiu no RAEOA atu nune'e bele bele evita gastu sira ne'ebé la nesésariu no la fó impaktu di'ak ba sustentabilidade programa ida ne'e iha futuro. Tuir JSMP nia hanoin, orsamentu bele aloka deit ba ministériu ka instituisaun Estadu sira ne'ebé iha méritu no rekursu ka kapasidade atu implementa

---

<sup>1</sup> Bele asesu info kompleitu iha website JSMP: [https://jsmp.tl/wp-content/uploads/PrOJEbaPolitikaJENERU\\_TETUM.pdf](https://jsmp.tl/wp-content/uploads/PrOJEbaPolitikaJENERU_TETUM.pdf)

duni programa ida ne'e hodi nune'e bele rezulta tuir indikador ka metas ne'ebé Governu ka Estadu atu atinje iha planu estratejia dezvoltamentu nasionál.

Instituisaun Estadu 35 ne'ebé Governu aloka ona orsamentu ba programa implementasaun ba Polítika Jenéru kompostu husi Parlamentu Nasionál US\$50,102.00, Sekretáriu Estadu ba Igualdade no Inkluziun ho total orsamentu US\$1,250,971.00, Sekretáriu Estadu Formasaun Profisionál no Empregu ho total orsamentu US\$19,155.00, Dotasaun todo Governu USD\$73,000.00, Ministériu Justisa US\$5,000.00, Ministériu Administrasaun Estatal US\$26,516.00, Ministériu Saúde US\$2,000.00, Ministériu Edukasaun Joventude no Desportu USD\$45,000.00, SEJD USD\$4,232,102.00, Ministériu Solidaridade Sosial no Inkluziun US\$16,533,588.00, MACLN USD\$97,245,413.00, Ministériu Transporte no Komunikaun USD\$20,000.00, Ministériu Defeza USD\$74,881.00, Falintil-F-FDTL USD\$30,000.00, Ministériu Interior USD\$21,560.00, PNTL USD\$16,750.00, REAOA USD\$192,062.00, UNTL USD\$27,800.00, FI USD\$5,126,310.00, KFP USD\$8,000.00, AND USD\$15,000.00, Serbisu Apoiu Sosialdade Sivíl no Auditoria Sosial USD\$4,000,000.00, Baucau USD\$68,706.00, Bobonaro USD\$85,632.00, Dili USD\$107,249.00, Ermera USD\$43,000.00, Aileu USD\$51,989.00, Ainaro USD\$59,774.00, Covalima USD\$98,215.00 Lautem USD\$61,484.00, Likisa USD\$56,011.00, Manufahi USD\$61,676.00, Manatutu USD\$62,001.00, Viqueque USD\$46,736.00, Atauro USD\$80,154.00, AND USD\$15,000.00, KFP USD\$8,000.00, FI USD\$5,126,310.00, REAOA USD\$192,062.00 no UNTL USD\$27,800.00.

Entretantu iha parte seluk, JSMP mós husu ba Parlamentu Nasionál atu tau prioridade ba diskusaun OJE 2022 nian iha área importante sira hanesan Agrikultura, Turizmu, Edukasaun no Saúde ne'ebé sai pilár importante tebes hodi bele asegura rekuperasaun ekonómia rai laran ne'ebé afeta husi pandemia Covid-19 no kalamidade públiku no mós kore-an husi dependénsia ekonomia Timor-Leste ba mina no gas natural iha futuru.

JSMP mós hanoin PN no Governu atu prezisa evita gastu deznesesáriu sira hanesan sosa kareta, viazen lokal, konstrusaun infraestruturá ne'ebé la nesésáriu no mós evita tau orsamentu boot ba instituisaun autonoma sira ne'ebé nia funsionamentu serbisu la fó benefísiu direitu ba Estadu iha tinan-tinan hodi koloka filafali orsamentu sira ne'e ba área prioridade ne'ebé JSMP mensiona iha leten.

Atu hetan informasaun liutan favor kontaktu direktamente:

Ana Paula Marçal  
Diretora Ezekutiva JSMP  
Telefone: 3323883 [www.jsmp.tl](http://www.jsmp.tl)

Rua Beco Lakateu, Aldeia Manufuik,  
Suku Colmera, Administrativu Vera Cruz  
Dili Timor Leste  
PoBox: 275  
Telefone: 3323883 | 77040735

[www.jsmp.tl](http://www.jsmp.tl)  
[ana@jsmp.tl](mailto:ana@jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl